

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



აქცია სიცოცხლის უფლების დასაცავად - “დატოვე ანაბეჭდი!”

საქართველოს ახალგაზრდა იურისტთა ასოციაციამ 20 მაისს თბილისსა და ქუთაისში აქცია გამართა. 1999 წლის 20 მაისს საქართველოსთვის ძალაში შევიდა უფლებათა და ძირითად თავისუფლებათა კონვენცია A¹ ამ დოკუმენტით საქართველომ კიდევ ერთხელ აღიარა ადამიანის სიცოცხლის უფლება.

დღეს საქართველოში უხეზად ირღვევა სიცოცხლის უფლება. მსხვერპლი შეიძლება გახდეს ნებისმიერი ჩვენგანი.

აქციაზე სპეცრაზმელთა თეთრ ნიღბებში გამონწყობილი ახალგაზრდები თბილისში

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



რუსთაველის გამზირზე და ქუთაისში აღმაშენებლის მოედანზე გამვლელებს საქართველოს კონსტიტუციისა და უფლებათა და ძირითად თავისუფლებათა კონვენციის A იმ მუხლების ციტატებს აცნობდნენ, რომლითაც სიცოცხლის უფლებაა დაცული.

აქცია ინტერაქტიული იყო. თითოეულ მოქალაქეს საშუალება ჰქონდა, ორიგინალურად, საკუთარი ხელის ანაბეჭდით, გამოეხატა საკუთარი ნება სიცოცხლის უფლების დასაცავად.

ამ დღის აღსანიშნავად საქართველოს ახალგაზრდა იურისტთა ასოციაციის აჭარის ფილიალმა მრგვალი მაგიდა მოაწყო. შეხვედრა ადამიანის უფლებების დაცვის ევროპის კონვენციასა და საქართველოში მიმდინარე მოვლენებს ეხებოდა. მას ესწრებოდნენ ადგილობრივი არასამთავრობო ორგანიზაციებისა და მასმედიის წარმომადგენლები, სტუდენტები და ბათუმის შოთა რუსთაველის სახელობის სახელმწიფო უნივერსიტეტის ლექტორები.

12 მაისს კი ბათუმის ბღვისპირა პარკში ადამიანის უფლებათა ევროპის კონვენციის რატიფიცირების დღესთან დაკავშირებით საიას აჭარის ფილიალმა სხვა არასამთავრობო ორგანიზაციებთან ერთად 30 ხე დარგო. ამ ადგილას “სიცოცხლის” სკვერი გაკეთდება.